

## Angallassinermut aalajangersakkat pillugit paasissutissat

Ataani aalajangersakkat umiarsuarnik Royal Arctic Line A/S-ip pigisaanik attartugaanilluunniit ilaasunik ilaasullu nassataannik angallassinermut sunulluunniit atuupput.

- § 1 Royal Arctic Line A/S angallassinissamik isumaqatigiissutaasoq saneqqullugu umiarsuarnik allamik angallassissussamik isumaqatigiissusiorsinnaatitaavoq.
- § 2 Royal Arctic Line A/S ingerlatsinermi pissusissamisuumngitsumik pisoqartarneranut akisussaasuunngilaq, angalanermullu pilersaarummik billetsillu akiinik siumoortumik ilisimatitseqqaarani allangortitsisinnaanermut imminut pisinnaatilluni.
- Imm. 2* Billetsit annaaneqartut imaluunniit pisoqalisoorimasut taarserneqarsinnaanngillat/akii utertinneqarsinnaanngillat.
- § 3 Sikorsuit imaluunniit assigisai pinngortitamik pissuteqartut assingusut pisuullutik umiarsuup ingerlaqqinnissaa isumannaatsuosorineqanngippat, Royal Arctic Line A/S-ip angalaneq umiarsualivimmi qaninnerpaami unitsissinnaavaa sila/sikut assigisaallu pitsanngorsillugit, tamatumalu kingorna angalaneq kinguaattoorutaagaluartumik nangeqqillugu.
- Imm. 2* Sikut imaluunniit assigisaasa akornutaanerisigut Royal Arctic Line A/S aalajangiippat ilaasusaaq ikisinnaajunnaarluni, tamanna tunngavigalugu Royal Arctic Linemut taarsiiffigineqarnissamik piumasaqaateqartoqarsinnaanngilaq. Royal Arctic Line A/S-ip angallassinissamut pisussaataaaffii aatsaat atuuttarput Royal Arctic Line A/S-ip umiarsualivinni nalinginnaasumik tikittagaani inunnik ikisisinnaagaangat, tamatumunngalu atatillugu piffissaq pilersaarutaasoq malillugu umiarsuaq ingerlaqqissinnaappat. Ilaasusaaq piffissaq eqqorlugu aallarsimanani akunnittarfinnut assigisaannullu aningaasartuuteqarsimappat Royal Arctic Line A/S-ip tamakku akisussaaffiginnilai.
- § 4 Angallassinermut isumaqatigiissut tunngavigalugu angallassineq tamakkerlugu imaluunniit ilaanaa allanit Royal Arctic Line A/S-iunngitsumit ingerlanneqarpat, taava Royal Arctic Line A/S ajoqusernermut, annaasaqarnermut imaluunniit kinguaattoornermut, angallassinermi tassani pisuni akisussaassuseqartinneqarsinnaanngilaq angallassineq allamik ingerlanneqartillugu. Taamatuttaaq atuuppoq angallassinermut isumaqatigiissut tunngavigalugu ilaasoq tamakkiisumik imaluunniit ilaannakortumik Royal Arctic Line A/S-imiunngitsooq ingerlanneqarpat.
- § 5 Pissutsit pisariaqartippassuk pisattat umiarsuup qaavaniitillugit angallanneqarsinnaassapput.
- § 6 Royal Arctic Line A/S uumasunut nassatatut angallassanut akisussaaffeqanngilaq.
- § 7 Ilaasoq toquppat imaluunniit ajoquserpat Royal Arctic Line A/S-ip ilaasumut ataatsimut akisussaaffia 175.000 SDR-init annerusinnaanngilaq.
- Imm. 2* Ilaasunik angallassinermi kinguaattoornermut akisussaaffik 4.150 SDR-init annerusinnaanngilaq.
- Imm. 3* Royal Arctic Line A/S-ip annaasaqarnermut, soorlu pisattat tamarparata, ajoquserneqarparata imaluunniit kinguaattoorpata annerpaamik imatut akisussaassuseqarpoq:
- 1) 1.800,00 SDR, ilaasup ataatsip pisataanut tigumiartarissatut nassataanut. 6.750,00 SDR aningaasanut, pappiaqqanut nalilinnut, allanullu nalilinnut, soorlu makkununga: siilvit, kultit, nalunaaquttat, ujaqqat erlinnartuutit, pinnersaatit aamma eqqumiitsuliat, Royal Arctic Line A/S-imut angalanerup nalaani nakkutigisassanngorlugit tunniunneqarsimappata. Taaneqartut Royal Arctic Line A/S-imut nakkutigisassanngorlugit tunniunneqarsimanngippata, taakkua tamarnerisigut ajoqusernerisigulluunniit Royal Arctic Line A/S taarsiisussatut akisussaasuunngilaq.
  - 2) 2.700,00 SDR ilaasup ataatsip pisataanut allanut.
  - 3) SDR tassaavoq Den Internationale Valutafondimit nalinginnaasumik aningaasanik tigusisoqarsinnaaneranut aningaasat nalingattut atorneqartartoq.
- § 8 Royal Arctic Line A/S annaasaqarnermut pisumut imatut ilanngaateqarsinnaavoq:
- 1) 20 SDR pisattanik annaasaqarnermut imaluunniit pisattat ajoquserneqarnerannut ilaasumut ataatsimut.
  - 2) 20 SDR kinguaattoorneq pissutigalugu annaasaqaateqarnermut ilaasumut ataatsimut.

§ 9 Ilaasup piffissaq umiarsuarmut ikinissaa sioqqullugu umiarsuarmiillu niunerata kingorna Royal Arctic Line A/S sumulluunniit akisussaassuseqartinneqarsinnaangilaq. Taamaattoq akisussaatinneqannginnermut ilaangillat umiarsuarmut nunamut kiisalu nunamit umiarsuarmut ikaassuineq, aatsaalli ikaassuineq tamanna billetsip pisiarineqarnerani billetsip akianut ilaasutut erseqqissaatigineqarsimappat, imaluunniit ikaassuineq angallammit Royal Arctic Line atorineqartussatut innersuussaaniit ingerlanneqarpat.

*Imm. 2 (Umiartorneq pillugu inatsimmit issuagaq, LBK nr. 39 af 1998 01 20 § 408)*

*Umiarsuarmi toqqissisimanissamut isumannaallisaanermullu najoqqutassat ilaasumit malinneqassapput.*

§ 10 Royal Arctic Line A/S nassatanut tigumiartarissanut piffissami ilaasup suli ikinnginnerani, kiisalu piffissami nioreernerani akisussaassuseqartinneqarsinnaangilaq. Taamaattoq akisussaatinneqannginnermut ilaangillat umiarsuarmiit nunamut kiisalu nunamit umiarsuarmut ikaassuineq, aatsaalli ikaassuineq tamanna billetsip pisiarineqarnerani billetsip akianut ilaasimappat, imaluunniit ikaassuineq angallammit Royal Arctic Line A/S-ip atorineqartussatut innersuussaaniit ingerlanneqarpat.

*Imm. 2 (Umiartorneq pillugu inatsimmit issuagaq, LBK nr. 39 af 1998 01 20 § 410)*

*Assartuussisoq (umiarsuaq) ilaasut nassatassaannut umiarsuarmut, inunnut nassatanullu allanut navianaateqarsinnaasunut annertuumillu akornusiisinnaasunut itigartisisinnaavoq.*

§ 11 Royal Arctic Line A/S-ip taarsiinissamut pisussaaffianut tamatigut apeqquataasarpog ajoquserneq/annaasaqarneq angallanneqarnerup nalaani arlaannik pisoqarsimaneramik pissuteqarpat, kiisalu ajoquserneq/annaasaqarneq Royal Arctic Line A/S-imit imaluunniit allamit Royal Arctic Line A/S-imit akisussaaffigineqartumit kukkuluttormik imaluunniit sumiginnaasimanermik pissuteqartumik tamanna pisimappat.

§ 12 Maalaaruteqarneq kiisalu ajoqusiisoqarsimappat tamakku umiarsuup naalagaanut (aquttarfimmut) umiarsuaq qimatsinnagu nalunaarutigineqassapput. Royal Arctic Line A/S-imut piumasaqaat allaganngorlugu umiarsuarmiillu nalunaarummik ilallugu Royal Arctic Line A/S-imut nassiunneqassaaq.

§ 13 Royal Arctic Line A/S-imut taarsiiffigitinnissamut piumasaqaat qaangiuttuussaaq Royal Arctic Line A/S-imut eqqartuussisutigit suliassanngortitsineq kingusinnerpaamik annaasaqarfimmit ulloq taanna ilaasup aamma/imaluunniit angalanermi nassatat niuneqarneranniit ukiut marluk qaangiutinnginneranni aallartissimangippat, imaluunniit nassiussat tammarsimappata ulloq taanna niuneqarfigisimasassaanniit ukiut marluk qaangiutsinnagit.

§ 14 Taarsiiffigineqarnissamik piumasaqaat umiarsuup naalagaanut, umiarsuarmi aqumiumut, inuttamut, ikisitsisartumut imaluunniit allanut Royal Arctic Line A/S-ip akisussaaffigisaanut tutsinneqassappat, pineqartoq taanna taakkuluunniit pisinnaatinneqarput Royal Arctic Line A/S-ip akisussaaffeqartitaannginneranut akisussaaneraniilluunniit killiliussat assinginiik tunngavilersuuteqarnissaminnut.

§ 15 Royal Arctic Line A/S-ip umiarsuatai kalaallit erfalasuannik erfalasoqartussatut nalunaarneqarput. Angaju Ittummi, Aqqaluk Ittummi aamma Anguteq Ittummi isumannaallisaanermut tunngatillugu Danskisut Kalaallisullu oqaluttoqartarpoq.

§ 16 Royal Arctic Line A/S-ip angallassisarneri pisarput angalanissamut pilersaarutit aamma akit sukkuluunniit atuuttut malillugit, kiisalu aalajangersakkat allanneqarsimasut aammattaaq Umiartorneq pillugu inatsimmi maleruagassat malillugit. Ilaasunik nassatanillu angallassinermut maleruagassani taakkunani anguniarneqanngilaq ilaasut pisinnaatitaaffiisa annertusarnissaat taamaallaallu tunngavigineqarlutik Umiartorneq pillugu inatsimmi maleruagassat allamik isumaqatigiissuteqarluni allanngortinneqarsinnaangitsut.

§ 17 Royal Arctic Line A/S-imik eqqartuussivikkut suliassanngortitsinerit tamarmik Kalaallit Nunaata Eqqartuussiviatigut Nuummi najugaqarfeqartumi taamaallaat ingerlanneqarsinnaapput.

1 SDR 2019-imi DKK 9,30 missaannik naleqarpoq.

*Inussiarnersumik inuulluaqqusilluta*  
Royal Arctic Line A/S